

rum generibus potest laudari: quoniam igitur potissimum nomine tam bonum ac beneficium principem veneremur? an fontem in eo aliquem admirabimur, ex cuius beatissima ubertate riuus beneficiorum innumeri in pauperes ac pios deriuabantur? an solem eundem potius adpellare conueniet, bonitatis suae ac munificentiae radios longissime diffundentem? an denique deum in ipso benignissimum agnosceamus, de cuius benignitate immensa omnes homines quamdam voluti partem decerpunt.

XIII.

Argumentum peti-
tur

1) a conse-
quenti.

Eandem principis bonitatem ex loco consequentis celebrare sic licet: Quam largo autem faenore collata in egenos ac bonos beneficia a benignissimo deo reddantur, huius praesertim principis exemplo adparuit; cuius fortunas ac opes non exhaustas liberalitate, sed auctas cognouimus.

XIII.

2) a con-
trariis.

Contrariorum beneficio hoc ita praestabitur: Gratulantur sibi tyranni inter principes, si subiectorum crumenas emulgeant, si lucri ex re qualibet bonum odorem cum Vespasiano percipiunt, omnium aduersus se indignationem & odium concitantes; maiori noster virtute & prudentia, nouis quotidie beneficiis novos sibi amicos parabat; quorum ipse adfectu & cultu securiorem se longe, quam omnibus thesauris ac opibus futurum sciebat.

XV.